

常山文集

五

和  
1430  
李

早稻田大學附屬  
圖書館

第一寄

漢詩文

第 420 號

第 5 卷

此書館不外許帶出



門八和16  
1438  
卷5



常山文集卷之九 東一 新春

早機香藉煖 客良發 香氣爽 意

權中納言從三位源朝臣綱條輯

詩 十 幽神自常 顯容示且 精之 贈以 攜來

詩七言絕句 來 餘 一 鉢 嘗

和函三子 試 筆 詩 韻 慶安二年 九月 廿 日

春風和氣滿 衣衿 覓紙題詩 先詠吟 小字 梅

花管城下 朝來 一點吐 檀心

甜床 白雉 齋 題 詩 周 太 遠 齋 五 聖 詩 餘 疑 令

常山文集

卷之九



皓羽翹英滿眼奇。周成彰德孟堅詩。猶疑今日有祥瑞。白雉馴階涅不緇。

春風嗣傳安生試筆詩韻精大結句小字

韶光淑氣滿春城。自把屠蘇泛乳泓。試筆新詩如錦繡。曉來織就一梭鶯。

卜幽軒自常陽寄元旦詩次韻以謝來

意

早對屠蘇慰客身。幾看處處歲華新。柔風昨夜

吹三千。渭北江東一樣春。

我聞羅浮子。今茲仲春上丁。於上野大

成殿修釋菜。題梅為花儒者各賦一

風卦。鼓絕其追遠之祭。不亦可乎。不佞公務

太繁。重不遑。不幸而不陪于列。不能無遺憾

也。翌日賦蕪詩一章。投几右。

千古真儒梅影斜。清名香德思無邪。馬程王色深衣後。道屬羅浮村下花。

紅梅

花神何事脫却白。紅霞妝出壽陽額。借問天

公勤學不窻前研朱點梅易

題畫圖

荷葉有翡翠

魚狗救饑窺小鮮日憑荷葉立留連秋風吹  
破青羅蓋翡翠飛來補翠穿

端午

江城重五幾年遭坐上菖蒲泛濁醪千古楚  
風徒競渡不如端坐讀離騷

脩竹不受暑得琴字

脩竹垂垂坐綠陰不知九夏溽蒸侵此君借

涼風手彈得無絃靖節琴

頃者使生順騰寫泣血餘滴有堆雪擁  
窻而便照書寫字而朝雨終日雪漸  
消無如之何於是戲簡一絕且要和  
云

雪後纖纖成雨聲書窻晚色不分明縱清務  
觀七年耳却欠孫康千歲情

布袋像

皤腹膨脝遊市邊非僧非俗一風顛杖頭打

破乾坤去。何處當求都率夫。

重陽

佳節題詩知幾家。獨斟菊酒惜秋華。白衣今日去。何處唯對黃裳正色花。

十月三日兩林子寄肩輿於自適窩。余不幸不列席。反聞各揭三題。而賦絕句。余雖不敏。不能默止。遂綴二絕。以寄兩林子。且乞雌黃。

十月聞鶯

不月日温鶯。頽頽一聲。睨晚誤春光。黃公亦做孟冬例。講武堂前喚呂望。

詩燈

得弓字

夜來開卷仰唐風。李杜秀才名豈窮。詩陣有功豪傑士。為挑燈火讀彤弓。

東帶天神像。北野神靈濟世才。文章泰斗仰時魁。花中馨德依然在。千歲真儒一朵梅。

巢父牽犢歸圖。趙縣川流於魏。魏於魏。

唐堯宇宙一巢父。不飲穎川牽犢歸。若使斯人牧天下。八荒黔首定應肥。

北鴻筆架石。古文章泰卡。秋秋秋中。暮

奇右崔嵬置几間。閣毫半日得清閒。俄然膚

寸被雲觸。能使文章仰泰山。

或來今年仲夏下。冷泉羽林賦。內直即事

特以被示卜幽生。余偶見之。吟詠之餘。

姍孟冬。嗣芳韻呈几下。羽林復賜再和。圭復

不巳。因分五十六字為韻脚。以謝再

和之惠。時維秋冬之交。故詩中時候

多錯雜。請亮恕。

其一

京國遙望落日邊。清風朗月有書傳。西東千

里神交契。何異微之與樂天。

其二

東關悠悠隔禁闈。會面何時久如渴。再來驚

自新詩篇。已知君學有本末。

其三

我在武江陪幕府。君居京洛直中朝。回頭望斷萬山隔。屈指更知千里遠。

兩鄉萬里渺雲濤。常恨知音不遇遭。臨水登山將問信。白雲遮我片心勞。

開卷行行詩律嚴。白雲過處唱歌纖。將君為社稷。臣去武備文才等紀瞻。

其六

兩地相隔夢中想。忽有文談長萬丈。言葉詞花翰苑春。人間亦有靈威仰。

瞻望天涯浩無限。何時對酌鴛鴦盞。秋來遠寄一封書。千里面自是青眼。

能歌君子又能文。春樹年來望暮雲。吟賞新詩清粲粲。想看丰采婉欣欣。

一刺春其九。望離令來雷亦不。吟寒墨亦雅。

一陣春風屬筆端。吟來霜夜不知寒。墨花郁  
郁芬芳在。正效江南驛使看。

拾遺其十。論大春樹平來望暮雲。今賞滿  
歌詩於君。吾無間。一日三復不轉盼。厚惠喜  
看北來魚。多情更附南飛鴈。

望天其十一。別同叔。惟西其。蓋。來。意。  
家承皇恩。絕又續。恰似乘春鶯出谷。好古知  
今。經綸才。知君他年備鼎足。

賦其十二。賦。意。有。文。始。身。萬。文。言。兼。語。

芝眉未接金蘭友。文章煌煌仰北斗。忽迴狂  
瀾百川東。本朝如君今何有。

賦其十三。賦。雲。水。想。意。不。願。只。對。於。

兩地相思天一涯。朝歎暮惜苦吾懷。篇篇吟  
詠美猶麗。字字騰臨清更佳。

賦其十四。書。結。句。辨。蘇。賦。卷。於。雙。跡。卦。

遠寄尺書喜不禁。晨昏開卷獨高吟。詩中瀟  
灑出塵想。句裏鏗鏘戛玉音。

天末賦其十五。雲。秦。賦。初。意。必。賦。問。小。春。向。



天末相望日暮雲秦胡路遠少知聞小春向  
暖梅花發故折一枝將寄君

其十六

遙知胃裏五車書詩句縱橫堪卷舒雙鯉往  
還千里友同心何事却離居

其十七

思君日日望蒼穹雲水悠悠意不窮尺牘從  
今得相接何愁千里隔西東

其十八

弓冶勤有父風矩萬卷蟠胸博今古誰道傳  
昭今則亡當世君應稱學府

其十九

萬里山川行路難夕陽春處望長安何時結  
得雲龍契揮筆論文擬孟韓

其二十

世德傳來虎豹章隨風千里筆花香士峯遮  
斷西天外不見長安空悵望

其二十一

友人正是天下士。未得相逢好知己。千里景  
慕無限情。更封一紙附行李。

公退讀書無不可。想像寒窗點燈火。三友何  
時一友加。武野風月常伴我。

新詩吟玩在可愛。句中藹然含慷慨。詞林別  
是令般春。四時欣欣花長在。

其二十四 用一字三韻格

我住東頭君住西。平生遙憶暮雲西。今朝已  
試雙魚信。一唱三嘆日又西。

詩句纔締兩地盟。何時相對說平生。只因偏  
憶風流友。魂夢幾回遊帝京。

迢遞山川路渺茫。思君一日九迴腸。禁園風  
景知多少。定把歌詩自主張。

其二十七

佳什吟來忘寢食。未逢已如舊相識。平生不  
解弄文章。數篇野詩情由憶。

德義風流世所欽。芳聲早已滿儒林。讀書莫  
作詞章學。須為賢君要作霖。

千里開封如面談。思情切切正難堪。一篇文  
味酸醜外。熟嚼方知口有甘。

龜是千山雖懸隔。心在君傍欲同席。同席未  
足比同心。形影贈答慕彭澤。

朋自遠方書相寄。錦心繡口千金字。騷將元  
有七步才。何須屬文苦覆被。

君陪北闕我東城。風使遙傳相思情。小字寒  
梅飛紙地。詞花郁郁發春榮。

會面難其三十三。妙書千里幸同刊。文人木

會面縱令未有期。投書千里幸同時。友人才  
廣，我才短。誤比源明識紫芝。

上下相和國固蕃。與君同官職近衛。縱然北  
關隔東關。何異朝朝侍玉砌。

與君未得暫傾蓋。何時從容為文會。一篇寫  
情詩。句中晨昏相對千里外。

遙望美人天一方。山川隔絕似參商。曾中學  
海勿他用。正要翻成五月涼。

今初繼絕勉旃。夙夜報君恩。

白樣新詩聞中禁。語高芳聲更藉甚。風霜不  
到言葉林。四時依然為美蔭。

感春文其三十九

忽看文園詞花發。三十一言鶯聲滑。筆端風雨無盡涼。苦熱吟了。應慰賜。

其四十

異端舉世如墨守。正學君獨有傳受。孟軻嘗發性善論。告子漫言猶杞柳。

其四十一

詩筒遞贈結同盟。無奈關山千里情。白雪高吟今欲和。自慙不敏轉屏營。

其四十二

聞道西京風雅士。寸管收拾古來今。羨君句句生金玉。在我篇篇誤陶陰。

其四十三

老杜今何得獨步。更看友人錦繡句。欲和來詩。無好詩。罰盃恐依金谷數。

其四十四

渭北江東斫額望。讀來且喜寄文章。張高夢裏何迷路。既在君家弟子行。

其四十五

如此詩篇得更難。仰瞻太白上。騷壇文花豈  
翹生於筆。筆下依條。永走盤。

其四十六

古來忠孝誰。髣髴不奈好惡共。如。嗚。世上祿  
仕謀身榮。更無一人為親屈。

其四十七

欲問儒流一派宗。世衰不踏聖門蹤。只今若  
使徐庶覓。不識何人是卧龍。

其四十八

千里知音擬伯牙。搔頭延佇意無涯。藝園詩  
景翔丹鳳。學海文瀾動玉蛇。

其四十九

遙聞佳名今幾歲。地隔南垂與北際。何時萍  
水得相逢。秉燭共語敲推勢。

其五十

素聞累世多書種。知君文藻已蒙賞。漢士風  
標今又看。壓倒元白吟獨聳。

其五十一

伏羲文王又周孔。猶聞二程隨。籀桶易在梅  
花君信無。一陽復處春色動。

其五十二

郇雲飛落一書封。只恨江城遠九重。遙識君  
陪金殿宴。賦詩幾度賜銀鍾。

其五十三

時明四海得恩光。萬象森羅自有祥。滿朝鼎  
才何覆餗。殿前仙仗護君王。

其五十四

俊逸清新稱謫仙。佳篇當是共周旋。縱橫筆  
陣知無敵。降得詩城幾萬千。

其五十五

道德仁義逐尼父。詩歌文章屬老杜。仰觀俯  
察無比君。可謂居今能行古。

其五十六

友人千里獨知音。寄簡情同蘭與金。字挾風  
霜清雪骨。篇攀日月徹天心。

送隱者

真隱曾無名利侵。清風颯颯拂塵襟。只繙黃卷北窗裏。占得淵明高卧心。

凍蝶

粉蝶尋芳雪後庭。苦寒故使小車停。朔風吹鎖莊周夢。凍合南園栩栩翎。

和羅山子雞旦韻

韶光一夜遍無方。祝得朝來有吉祥。欲試春王正月筆。會通左穀與公羊。

和函三子試筆韻

滿面柔風遲日閒。明窻青眼一天間。新圖茶壘懸桃板。東海今看度朔山。

次韻卜幽試毫

番風陣陣滿精廬。俗李凡桃天舍諸。小字野梅纔一點。花魁應是進春書。

和脈子正隆歲旦韻

一陣春風滿九衢。團樂共舉萬年卮。冰融始汲井華水。座上新湘玉兔兒。

夏日元贊老人偶到予亭清談之次綴



野詩一章以為相識之符  
萍水相逢小草堂清談未盡惜斜陽對君何  
識苦炎熱忽得温公五月涼

再步韻

二難全具讀書堂唐客遠來東武陽紙上虹  
霓將貫日筆端風雨忽生涼

中秋遇雨

油然霽霽未曾晴三五良宵奈舊盟雨滴似  
張元獻樂夜深雲罅半輪明

九月十三夜

異域不知今夜月月前醉賞佇江干清光縱  
減二分數十倍中秋三五看

辛卯元旦慶安四年

江城幾度遇元辰滿目乾坤萬象新年與番  
風相逐到梅花資始棟花春

余今年二十四歲故末句及之

和向陽子元旦試毫韻  
儒者如花蔡德輝永姿玉色著深夜新羅風

俗似知禮。仰拜日君兼月妃。昔者不修風

和卜幽元旦試免詩二首

武陵無處不春風。筆下煙霞簇簇豐。縱使黃

公呼呂望。何如進履太玄童

吹面何寒。花信風。千紅萬紫自茲豐。預期春

服已成後。勾引衣冠六七童

和服子正隆試觚詩

正隆舊年買宅故及之

新宅迎春日。載陽為而規。祝萬年。觴文章亦

有衛生術。檄愈頭風。陳孔璋

孟嘗敬止齋野友元始來。謁袖春雨催花詩

一絕見示。不堪吟翫。寸燭之間。次韻

以簡示高煇弄武詩

細雨縱橫整又斜。芳園潤物景相加。儒風二

十四番外。要着文林錦繡花

里春庭初花 以下二首白井某席

二月江南萬物奇。欣欣庭樹向榮時。香風吹

入五更夢。明且驚看花一枝

人正野外霞且  
 武野東風吹客衣  
 煙霞簇簇共相依  
 平蕪千里春如錦  
 孤鶩飛邊半斷機  
 賀函三子始得女子  
 夢裏分明懷月時  
 仙娥降駕作門楣  
 閨房秀色有餘慶  
 拍手高歌弄瓦詩

漫題

孟嘗珠耶卞氏璧  
 古人比德豈戲劇  
 獨持貞節磨不磷  
 腸是鐵兮心是石

新蟬

夏來新聽早蟬聲  
 冷露含風羽翼輕  
 綠樹陰中初噪處  
 薰絃滿耳有餘清

書窻晚涼

讀書堂上意猶閒  
 一陣晚涼吹白間  
 坐側風中繙典籍  
 不知長日迫西山

讀愛蓮說

濯濯池蓮直且清  
 千年遺愛獨分明  
 對花誰識濂翁意  
 德種惟馨君子名

白兔

朱眼丰茸更逞奇。由來白兔產高麗。雪朝月夕霜毛映。越犬韓盧不得追。

殘暑

殘蒸七月火西流。唯待飛廉恨蓐收。酷暑何知時節變。始驚梧葉一聲秋。

蟋蟀

以鷄字為韻

陰蛩促杼近幽閨。唧唧啾啾終夜啼。爾雅讀來頗磊落。釋箋絡緯與莎鷄。

電

陰氣薄陽雲路昏。電光燁燁眼前奔。東皇玉女被誰笑。便是啓噓天不言。

中秋

中秋飛月出雲關。穆穆流光玉宇間。十二回圓亦無異。今宵偏賞在人間。

月桂秋香

郁郁仙葩雲外浮。清光亭午水明樓。金風不假吳剛手。吹送天香萬里秋。

冬月

肅氣侵肌，夢不成。坐看寒月，一團生。千林霜  
葉飄零去。夜夜清光次第明。

松上雪 以下二首賴元亭所賦

傲雪孤松德不孤。亭亭更與眾芳殊。蒼髯一  
夜樹頭白。錯被人呼老大夫。

鶯

眼睨黃鶯自好音。頡頏出谷集中林。金衣公  
子春風外。緩奏花間一曲琴。



仲冬初六。應同胞賴元之佳招。開宴卜

得共乘夜乘興走筆賦一絕聊寓祝來程之  
味風之意

穆穆金波凝不流。朔風千里夜雲收。一行鴻  
鴈一天月。照破東關十五州。

臘月梅

暗香疎影臘天新。侵雪凌霜花有神。待得江  
南風使至。丁寧獨領一枝春。

秋月揚明輝

風捲纖雲塵靄收。月光初上射吟眸。明河灑  
得蟾蜍水。洗出乾坤白露秋。

讀桃花源記

聞道桃花源上春。漁郎歸去逐迷津。戰塵吹  
起晉天下。誰識山中獨有秦。

壬辰元旦試筆 承應元年

和風吹度蔚藍天。細柳露沾含翠煙。詰旦初  
斟井華水。新烹龍焙祝新年。

和向陽子元旦詩韻

武城幾度賞王正。千里煙霞一望清。曠蕩江  
南碧波暖。白鷗泛處有春聲。

和函三子試筆韻

夙飲屠蘇春味甘。柳煙藹藹翠如藍。洪鈞一  
轉夏正月。陰亦三分陽亦三。

和元贊元旦韻

窻明一夜好風光。黃鳥綿蠻止棘桑。南面梅  
花已資始。莫言春到自東方。

春梅浴花

春到芳園香暗聞。枝頭露重泥塵氛。百花浴  
出暮天雨。潤色巫山一片雲。

漢高祖看花圖

漢皇見花張豪飲。千古壯遊入題品。風力不  
借三尺威。白蛇寸斷洛陽錦。

東風解凍得鷄字

烏兔環流事不迷。東風破斷碧玻璃。天公和  
毓凍開闢。啐啄鴻濛伏卵鷄。

竹風迎涼

日對此君依美陰。炎蒸不到快呻吟。涼風調

得無絃趣。誰識淵明高卧心。

孟陽二十五日招林羅山及兩令子談

經言詩自午至夜羅山別賦一絕見

卧林十示步韻備覽二首

閱讀公詩語帶霞。琅琅璨璨意彌嘉。春風二

十四番外。開發三林錦繡花。

滿堂復舉會替霞。清話尋常十倍嘉。昔日深

衣馬公後。德馨羅洞一梅花。

歸雁次羅山韻  
低度春風幾萬里。嗷嗷相鳴聲亂耳。可憐北  
南歸路遙。飛盡湘雲與楚水。

墨  
徂徠千尺澗邊松。化作玄雲追墨龍。落紙點  
然如點漆。又看仲將有遺蹤。

柿 得水字

拂蟲驚鳥既多子。七絕添得鄭虔紙。柿葉經  
霜滿林紅。夾纈影映琉璃水。

娘偶看之。佳作一絕示余。吟哦之餘。  
即次其韻。

皚皚白雪正濃濃。天斧削成玉屑工。柳絮舞  
風能擬得。今看謝女秀閨中。

和卜幽試筆韻

承應三年甲午

又是王正奉壽觴。武陵遠客幾星霜。冰融波  
有文章在。不忍池邊翰墨莊。

卜幽家于不忍池畔。故未句及之。

丙申元旦 明曆二年



送故迎春春未臻。紅霞千里眼先新。萬年五  
裏梅花酒。敬奉椿萱祝令辰。

立春在十一  
日起句故云

又長和羅山試筆韻

絲鷄蠟燕共雙雙。試筆豪雄九鼎扛。得意梅  
花真面自。月移疎影上紗窗。

次韻函三子元旦

向陽花木漸含胎。萬紫千紅次第開。黃鳥弄  
機聲札札。綠楊陰裏擲梭來。

常山和卜幽韻

年已送而年又迎。團樂共酌酒傳生。纔勻翠  
柳百千縷。新聽黃鸝三兩聲。

桐葉告秋

金井梧桐白露浮。蓐收司節火西流。鳳凰枝  
上亦知曆。繙出涼風一葉秋。

荻花

荻上瀼瀼白露清。白花相映月光明。風吹黃  
葉發天籟。轉作淪陽瑟瑟聲。

余為客寓於武城也。二十四年于此。今年七月二十九夜挑燈不寢。聞雁有感。賦一絕。

燈前聽雁抱鄉愁。飛月穿雲宿處投。渠亦來賓吾亦客。一聲喚起廿年秋。

獵場立春

讎名昨夜驅西東。回首朝霞滿野紅。今日于田將大獲。鶯呼呂望又非熊。常山文集卷之九終

常山文集卷之十

權中納言從三位源朝臣綱條輯



詩

七言絕句

次韻卜幽試筆

明曆三年丁酉

歲朝任例折松枝。夙酌紅霞壽介眉。半夜江南春到處。水波未動鴨先知。三月五日。攜書生卜幽寫字渭川再遊。

蒲田林中

再步林中攜友于。花殘葉茂物皆殊。不知今日又何處。前度風光更一無。

和內始言志并序

婦人之有才。古今之所難也。謝女之貞。曹家之訓。頌椒花。織錦字。餘姑舍諸。文物之盛也。僅數人而已。況於我朝乎。有賀茂齋院內親王有智子者。強學六經。博通百家。詩賦文章。布在方策。爾來繼武而起者。未

曾聞焉。嗚呼。傅粉凝脂。所以妝其姿也。讀書勤學。所以正其心也。心正而后身脩。身脩而后家齊。治家內者。婦人之道也。詩不云乎。宜其家人。化以及于國。于天下。則致治平矣。九仞之山。始於一簣。千里之途。始於一蹠。其所先後。蓋可知矣。我聞古昔之君子。論婦人之好惡。苟以德稱。不以色取。諸葛之醜女。閔王之宿瘤。是以其德者也。吳之西子。唐之太真。是以其色者也。所謂

以德受愛者愛竟不弛。以色得寵者寵有時衰。譬如布袋貯金玉。人爭取之。錦囊盛糞土。誰不棄之哉。今年始見詞花之生於閨房。長期英才之秀於藝苑。題以春月映梅花。於是請點竄於予。就而誦之。句句琅琅。字字璨璨。豈容瞥于其間乎。戲取題之字義。語卿曰。能經三冬之寒苦。而知一陽之來復。凜凜高節操。彬彬有文質。比玉色之明道。擬深衣之馬公。宜矣。梅也。花中之

儒。其稱豈淺淺哉。若夫月者陰之德也。女者月之象也。陰晴之變。盈虛之數。萬人之所仰望也。文昭甄皇后曰。聞古者賢女。未有不學前世成敗。以爲己誠。不知書何由見之。所謂文者貫道之器也。不可不勉旃。行有餘力。則以學文之遺意也。卿夫拳拳服膺。而弗失之。侘日輝明德於中國。流芳名於後世也。必矣。恰如月之梅之相映乎。是予之所規祝也。信筆次韻。

一刻千金誰買得。暗香疎影兩三枝。月光妝出含章下。撲面春風不耐吹。

初春火災之後。寓居蒲田茅舍。四壁荒

涼。不蔽風雨。四月十一夜。引被就眠。

杜鵑一聲。夢為之驚。感慨于生。呼燭

命筆

一旦避難三四月。離家幾度望孤雲。蕭蕭旅

店破窻。夢落枕。鵲聲不耐聞。

次韻卜幽始。聞杜鵑懷亡妻詩。

半夜杜鵑雲上風。落成一片映山紅。聲聲愁殺老鰥。否啼破莊周蝶夢中。

松竹方外友

松竹交加翠織成。隔離天日味涼生。節高共有後凋色。相約歲寒君子情。

火後感世變更。戲簡栗田筠齋。

昨壯王樓金殿觀。今成原上一時塵。人間萬

事也如此。年少莫驚老欲臻。

雨中訪弟賴隆茅舍。于時聞杜鵑。

鬢髮油雲未敢收。滿庭潦水拍欄流。夏山復  
滴杜鵑雨。一洗蜀魂千歲愁。

九月十八日與弟賴隆泛舟遊淺草川

簡一絕

高歌欸乃海之東。兩岸如趨阿堵中。水接天  
涯天接水。舳舻千里一帆風。

伯父紀州亞相公使余和那波木庵元

且詩韻二首 萬治元年 戊戌

曠曠旭日忽昭回。郁郁椒花澌灑盃。處處群

鷄報曉後。寥寥一犬逐年來。

一曲陽春無奈和。徒拈秃筆愧輕才。餼羊雖

夙告正朔未動葭莩六瑄灰。

立春在羊  
且故及之

桃實

桃葉萋萋實纍纍。前園風物雨餘清。東方假  
得西王壽。復被人呼三盜名。

疇昔忝蒙紀伊亞相公之佳招。庭有白

櫻二株。教余賦之。奉燕詞一絕。以供

電曠

籍也對咸青眼看。清談終日弄春柔。庭櫻映竹吟情切。省識晉林千歲遊。

是日詣養珠孺人之靈前。敬燒辦香。肅拜。不忍去。追慕之餘。綴小詞以洒筆。

淚滴云

赫赫日心偏照臨。廟垣清淨不塵侵。牌前猶拜舊時貌。敬薦蘋蘩淚濕襟。

鶯琴 探題

煙暗柳陰聞老鶯。雅琴盈耳更嚶嚶。陽春一曲偶求友。喚起伯牙千歲情。

螢

腐草迎秋化轉輕。隨風倚水更縱橫。孫康窗下雪猶未。車胤囊中眼已明。

平原秋樹

蒲柳先衰暗結愁。回頭千里露凝眸。晚鴉飛盡平原澗。一陣涼風一樹秋。

雨中紅葉

雨洒丹楓山更幽。樹端漸缺點紅流。吳江漲盡晚風冷。一洗千林錦繡秋。

十月八日應備中太守大田資宗之招。

會于駒籠別業。太守近臣春寮書生

賦一絕吟翫不能止。和成二首以寄

太守

管居不用斲椽楹。地僻人稀厭利名。我有輔仁三益友。何勞山水斷絃聲。

無盡亭中纔四楹。不求聞達不求名。歲寒猶

有後凋色。風舉濱松萬頃聲。

太守領濱松城。

故未句及之。

冬山如睡

顛項執鞭滕六馳。雪英補綴木端虧。山隨埋沒靜如睡。孰與袁安獨卧時。

新宅立春

吾宅新時春亦新。春盈新宅氣津津。宅中風物皆新事。雀賀宅成人賀春。

冬夜論詩



冬夜迎朋詩興催。移燈東閣。喚官梅坐來共話。敲推勢撥出陰何。爐底灰。

慧可立雪

獨立少林精舍前。手又斷臂。一風顛。參禪先扣程門問。雪白山川一色天。

八月十五夜乘船賞那珂浦月

去年今夜武城月。不定陰晴。意轉勞。今歲今宵那賀浦。月光十倍廣陵濤。

八月十六夜

八月既望煙雨濛。清光不借恨天公。嫦娥今夜秋雲鎖。殆似上陽人入宮。

重陽雨

九月今朝重九節。弟兄相賀共觀遊。挿萸攜酒登高處。不耐滿城風雨秋。

次了的生於相州土肥。海邊見中秋月。

詩韻二首

三五衡望變態新。陰晴不定仰高旻。夜深驀地風吹去。纔看雲間吐半輪。

雨罷雲收。懽我顏。嬌娥艷色濕煙鬟。怪聞人  
到。廣寒殿。習得霓裳舞曲。還

題猿猴捉水月圖

樹上玄猿低又昂。孤吟長嘯自徜徉。徒望水  
月。不盈手。巫峽岸頭空斷腸。

昌黎過藍關圖

秦嶺寒雲曾不披。昌黎跨馬獨行遲。畫土亦  
借韓湘手。寫出藍關雪後時。

紫藤花

曲蔓高懸探剡溪。紫雲擁面路程迷。龍蛇束  
縛中間樹。風卷翠帷瓔珞低。

雁字

鴻雁來賓不失群。冥冥未肯入秋雲。羽毛映  
破毛錐月。認作縱橫千字文。

重陽

一盞醱醅菊氣馨。東籬迎節蝶車停。避饒不  
食元無用。須向明窗讀孝經。

梅上鶯

題畫屏

鶯逐暗香頻往來。一聲啼破百花魁。枝頭勿  
弄羞兒笛。恐是明朝落盡梅。

次韻向陽子試筆

萬治三年庚子

送寒迎暖迭相推。品物流形亦豈私。鼎裏春  
風先示瑞。龍圖躍出鳳來儀。

夏雨

不夫... 未肯人... 師子... 知

驟雨漲來水倒流。輿中猶穩似乘舟。油雲當  
午盡收得。滿面涼風綠樹秋。

爐裏紅鱗

紅鱗... 面... 跡... 諸... 東

穩坐辟寒爐已開。紅鱗躡處暖相催。獲祥絕  
筆聖人後。秦火今還撥冷灰。

醫師仙庵在常州。賦元旦詩遠達武城。

余偶見之。次韻以寄。

兩地春風千里天。煙霞遮眼思悠然。常陽元  
會知誰在。指汝當時孟萬年。

癸卯歲旦

寬文三年

新年嘉瑞滿城闈。萬國來趨賀吉辰。恭拜參  
知元會日。黃鶯讓我喜遷春。

舊臘黍轉任參議故末句及之

博次韻向陽子元旦寒暄賀吉氣黍轉

旭光新耀武江東黃鳥于飛蕭谷風風暖冰

融管城下文龍躍出石虛中

東叡山櫻花

台嶺殘櫻哭太真鷓鴣路落續續何人借

得番風手拈出法華微笑春無蘇發香

水仙花

梅後獨占桃李前寒香寂寞發幽娟玉肌翠

袖凌波女羅襪黃冠步月仙歸白林照影平

對雪憶亡妹

愁中徐起倚窻看白雪地天同一般膚冽冬

風度庭樹一枝已折一枝寒竹中焚斷

甲辰秋七月河州太守井上正利賜休

暇而之常州笠間向陽林子想像之

餘寄一絕太守摘其末字和以和歌

謝焉林子書中言及余於是續貂者

二首

常山文集  
卷之十  
秋風分袂武江陰。一望不看勞我吟。撥刺雙  
魚手中躍。讀來忽慰別離心。余欲長歸歸未  
井上梧桐落午陰。乍聞一葉促秋吟。情文兼  
識絃中趣。會得伯牙千歲心。

病中九月十三夜太守許士五陸題於

九月十三鳴日東清光孰與仲秋中。凭欄欲  
賞今宵月。尚養沉疴滿奮風。回十娘齋內  
雪後馬上漫筆

朝來雪霽旭光輝。馬背風寒翻白稀。點破平

蕪銀世界。一行鴻雁兩三飛。

常山文集卷之十終

常山文集卷之十

魚平不...

亦上...

試...

九...

五月...

...

...

燕...



